



## Universitätsbibliothek Paderborn

**Hebdomas Patientiæ Sive Methodus Facilis Totam  
Septimanam Inter Omnes Fortunæ, Ac Vitæ, Coeterosque  
Casus Humanos In Sancta Quietæ, Pace, Et Patientia  
Transigendi Ex Consideratione, Imitatione Et ...**

**Dietmer, Georg**

**Moguntiæ, 1674**

Caput I. Magnitudo dolorum B. Virginis Mariæ consideratur ex  
Revelationibus, & SS. Patribus.

[urn:nbn:de:hbz:466:1-46586](#)



## DIES DOMINICA.

Tuam ipsius animam pertransibit gladius doloris *Luc. 2.*

### CAPUT I.

*Magnitudo dolorum B. Virginis Mariæ consideratur ex Revelationibus, & SS. Patribus.*

**I**n On est mihi animus Parthenophile diebus singulis singulos matris tuæ pertractare dolores ; sed vel aliquos tantum , vel generatim omnium magnitudinem & acerbitatem è sacris scriptorum monumentis depromere ; quo tantorum dolorum sensum, non tam pro innatâ, & congenita tibi indole , compassionis plena ; sed potius dulcissimæ matris tuæ imi-

A 4                   tandæ

lændæ studio, ac zelo eandem veneris  
libentius, ejusque vestigia majori pati-  
entia perscruteris, juxta dictum Eccl. 7.  
*gemitus matris tuæ ne obliviscaris.* Unde qua-  
rundam SS. Personarum divinitus acce-  
ptas revelationes, Patrumque nonnul-  
lorum gravissima testimonia de Maria-  
nis doloribus hoc primo capite sic tibi  
ob oculos ponam, ut paulatim & quasi  
sensim sine sensu te ad propositum mihi  
finem disponam & convertam. Atque  
imprimis acerbissimi doloris Virginei  
exstitit præscius vates Iustus Simeon;  
quando filium suum Domino sistenti  
Virgini in hæc verba locutus *Luc. 28*  
*Tuam ipsum animam pertransibit gladius dolo-*  
*rū.* Hunc gladium ab eo quidem tempo-  
ris articulo continuo experta fuit Vir-  
go, juxta illud: Maria autem conserva-  
bat omnia conferens in corde suo; tum  
eamen acrius desæviebat acies tam diri  
mucronis, quando juxta crucem consi-  
stens eos doloris cruciatus persévit, quos  
Divæ Brigitte in revelationibus à sede  
Apostolica approbatis sequentibus ver-  
bis exponit: *Ex oculis meis erumpabant la-*  
*chrimæ,*

chrinæ sicut sanguis evenis. Easdem lacrymas præ doloris magnitudine cruore rubicundas fuisse tradit Theophilus historicus in antiquissimo manu scripto , qui in celebri Hieronymianæ Congregacionis Bibliotheca Bononiæ asservatur his fineolis : Planxerat tantum Maria virgo affligens se , ut oculi ejus ruberent sanguine , & palpebrae ipsius tumerent ; jam corrosæ erant genæ illius roseæ ; etiam lacrimæ sanguineæ de ejus oculis emanarunt , propter fletuum tam amarum. Hactenus ille . Testatur hoc ipsum S. Germanus dulcissimam matrem nostram tanto dolorum cumulo fuisse obtutam , ut post uberrimum decidentis aquæ flumen in lacrimas sanguineas fuerit soluta , sic enim teste Daniele Maltonio in Christi stigmatibus cap. 13 . tristissimam Dominam filium foventem , & amarissime plorantem describit : *MARIA* virgo deposito Christo de cruce , osculata est os ejus plusquam mille vicibus : osculabatur benignum caput ejus spinis coronatum , faciem ejus litoribus plenam : osculabatur frontem , & collum ; osculabatur manus clavis perforatas : osculabatur brachia , Speculis lancea perforata

A S tum :

tum: osculabatur pedes clavis perfoſſos : lavit  
ſrigavit lacrymis universa ejus vulnera : ſplorans acerrime ſuper ſingulis, amplexabatur  
caput, comprimens ad ubera ſua ſc. Fuit au-  
tem hic imber lacrymarum tantus nimio  
doloris ſenſu expressus, ut ſcribat S.  
Bernardus in plandu B. V. Deum quibus-  
dam contemplationis ſtudioſis aperuiſſe  
triftiſſimam matrem p̄r̄ amore, & com-  
miſſeratione quę filii moribundi & mor-  
tui calamitates deplorabat triginta la-  
crymarum millia & nongentas profudif-  
fe. Eheu miſerum ſpe & taculum, amantif-  
ſime mi frater Parthenophile ! cernis  
matrem naturā complexioneque tene-  
ram, uberrimis lacrymis, iisque nonnul-  
lis ſanguineis perfuſam, ac prope im-  
mersam, & te ne cdum illius miſerescit?  
Cernis Virginem indele nobilem, ſtem-  
mate ex avis regiam, tanto doloris gla-  
dio ſauciam, & nondum ingemiscis? Dei  
matrem dolore, amoreque ebriam ſuper  
primogeniti filii mortem agonizantem  
potius, quam contabefcentem, & nec-  
dum plangis? Eheu dulciſſima mater mea  
tunc es quę tot ærumnis absorpta ſub  
cruen-

cruento crucis stipite me , fratremque  
meum Parthenophilum filios doloris  
genuisti? Ego sum, inquit, Parthenophi-  
le, mater vestra; ego notum miseris afy-  
lum, afflictis levamen, fons omnis sola-  
tii, ipsa modo afflictissima, & omni sola-  
tio destituta. Et quid ni ego mater vestra,  
imo flebilis mater Jesu filii mei hujus  
morte , qua vitam vobis protulit, inge-  
miserem, cuius obitus immanitate terra  
horruit, & Saxa indoluere ? Aspice ite-  
rum , iterumque sanguineas lacrimas  
Parthenophile , atque per has nomine  
ipsius matris, & Dominae nostrae Temet  
ego rogo, obtestor , & adjuro ne vel ho-  
die impatienti animo , in considerata  
mente , perverso ore , vel preciosum  
Christi sanguinem , cœteraque sacra  
blasphemes, vel proximo maledicas, vel  
temere perieres. Sed quò ego rapior sub  
initium recordationis dolorum Mariæ?  
cohibe tantis per mecum lacrymas , &  
preme cordis singultus, ac suspiria, dum  
quosdam adhuc testes hujus doloris ad-  
duxero ; ubi ipsam deinde matrem gla-  
dio doloris perfosam audiēci , fræna

Singultibus laxare licebit. Itaque magnus Dei Matriscultor Bernardinus senens serm. 6. non dubitat afferere, Dolorem Marianum pedoris tantum exstisisse, ut si in singulos homines diuisus fuisset, vitam singulis ademisset & S. Paulinus Ep. ad August. sic testatur: *Doloris idem gladius qui Christo in cruce mortem attulit, Matris animam mereore transfixit.* Revoca tibi in mentem quibus verbis Dominum alloquatur S. Amadæus L. usan. homil. 5. de Virg. Maria: O Veneranda, inquit, Splena doloris lacrymarum memoria, recordari qualiter sancta illa anima gloriose passa sit, quasque pertulerit de Christi morte angustias? pallidus vultus Iesu exanguem reddebat vultum Matris; Ille carne, illa corde passa est; denique contumelie: Opprobria impiorum in capite Materno redundabant; Mors Domini illi morte amarior fuit. Sed libet forte magis ipsam afflictissimam Virginem audire. Eam itaque sic inducit plangentem B. Ephrem in lament. V. Cum gravibus suspiriis, cum fletu ingenti cum lamentis dolorosissimis exclamavit dicens: Mi fili dulcissime, mi fili, Et mi Deus! deficio Te suspiciens in ligno suspensum, conclavatum, plagis-

plagiisque plenum; Mi fili! O Simeon admirande, en nunc gladius quo mihi prædixisti cor meum trajiciendum: Ecce gladius, ecce vulnus, fili mi, & mi Deus! Tu a mors meum cor subiit, viscera mea sunt disrupta, & pedus meum gravis pertransivit gladius. Eadem vero sic loquentem inducit S. Anselmus de lament. B. V. Aspiciebam Dominum & filium meum pendentem in cruce, & morte turpissima morientem, & tanto dolore vexabar in mente, quod non possum explicare sermone, manabit sanguis ligno manibus, pedibusque confixis: de vultu ejus effluxerat pulchritudo omnis, qui tam erat speciosus pro filio hominum, quia iniquorum fœdatus erat sputis. Iste dolor mihi erat maximus, quia videbam me desertam ab ipso, quem virgo conceperam & genueram, nec supererat aliis, quia mihi erat unicus. Videbam mori quem dilexit anima mea. & tota liquebam præ doloris angustia, dabam gemitus & suspiria; flebam dicendo, & plorabam per verba talia. O fili chare, o benigna nate, o amor unice: fili mi dulcissime da mori tecum, & ne derelinquas me: nil mihi dulcius vere, quam tecum mori amplexata cruce, & nil amarius certe quam vivere sine te. Tu mihi Pater, tu

mihi filius, tu mihi sponsus, tu mihi Thesaurus,  
tum ibi omne bonum. Nunc orbor Patre, vi-  
duor sponso, desolor prole, omnia perdo, uno  
perdito te. Parthenophile, ô vere quis non  
fleret, Christi matrem si videret, in tanto  
suppicio, propera igitur mecum ad angu-  
lum cubiculi, ibique corda suspiriis gra-  
vida in contestationem compassionis  
erga dulcissimam matrem non nihil la-  
xemus; dicamus cum Jeremia Thren. 1.  
sada est quasi vidua Domina gentium; plo-  
rans ploravit in node, Glacrymæ ejus in ma-  
xillis ejus; non est qui consoletur eam ex omni-  
bus charis ejus & Thr. 2. cui comparabo te, vel  
cui assimulabo te filia Hierusalem; cui adæ-  
quabo te, & consolabor te virgo filia Syon?  
Magna est velut mare contritio tua, quis me-  
debitur tui? deduc quasi torrentem lacrymas,  
& per diem ac noctem non des requiem tibi ne-  
que taceat pupilla oculi tui, quia submersum  
est cor tuum in temetipsa, quoniam  
amaritudine plena es.

CAPUT